

Oqaluuserisassanut nassuiaat.

(Inatsisartut Siulittaasuat)

Naalackersuisut inatsisissatut siunnersuummik immikkoortut 161-itut normulimmik oqaluuserisassanut nalunaaruteqarput.

Immikkoortup qulequtaraa: Nioqutissanik eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaannut siunnersuut.

Siulittaasoqarfiup Inatsisartut Suleriaasianni § 41 naapertorlugu immikkoortup UPA2024-mi oqaluuserisassanut ilannguppaa.

Immikkoortoq ulluni tulliuttuni suliarineqartassaaq:

Siullermeerinnineq ulloq 23. april,

aappassaaneerinnineq ulloq 13. maj

pingajussaaneerinninnerlu ulloq 21. maj.

Ilaasortat siunnersuutaanni ataatsimi, tassa immikkoortumi 97-imi, tamannarpiaq pineqareermat, immikkoortoq taanna immikkoortorlu 161 ataatsimut oqaluuserineqassapput.

Immikkoortup 97-ip qulequtaraa: Nioqutissanik eqqussuinermi akitsuutit pillugit Inatsisartut inatsisaata allanngortinnissaanut, taamaasilluni tipigissaatit, pinneraatit eqqiluisaarnermullu atortut eqqussinnermut akitsuutaat (Akitsuutit normuat 090) peerneqarluni, Naalackersuisut siunnersuummik saqqummiussaqaarnissaannik piumaffigineqassasut Inatsisartut aalajangiiffigisassaattut siunnersuut.

Immikkoortoq maanna ulloq 23. april siullermeerneqassaaq ullorlu 21. maj aappassaaneerneqarluni.

Mariane Paviasen sulinngiffeqarmat oqaluuserisassani immikkoortut 49-p 54-illu siullermeerneqarnissaat aappassaaneerneqarnissaallu ataatsimiinnermi kingusinnerusumut kinguartinneqarput. Oqaluuserineqarfissaat kingusinnerusukkut nalunaarutigineqarumaarput. Oqareernittut tamatumani immikkoortut 49 aamma 54 pineqarput.

Immikkoortup 49-p qulequtaraa: Nunatsinni nerisassiarineqartut pisiniarfinni akiinut suut tunngaviusarnerat pillugu Naalackersuisut nassuiaasiornissamik

peqquneqarnissaannik Inatsisartut aalajangiiffissaattut siunnersuut. Nioqutissat akitigut pisisartunut pilerinarnerulersinniarlugit qanoq iliortoqarsinnaanera nassuiaammi ilanngullugu tikkuarneqassaaq. Nassuiaat kingusinnerpaamik UKA2024-mi saqqummiunneqarsimassaaq.

Immikkoortup 54-ip qulequtaraa: Inatsisissatut siunnersuutinik suliaqartarnej pillugu malitassiat atuuttut allanngortinneqarnissaat pillugu Naalackersuisut peqquneqarnissaannik Inatsisartunut aalajangiiffigisassatut siunnersuut, taamaalilluni inatsisissatut siunnersuutip nassuiaataani, nunat tamat akornanni pisussaaffinnut nunat tamat akornanni Kalaallit Nunaanni Namminersorlutik Oqartussat malitassaanni pisussaaffinnut tunngatillugu inatsisissatut siunnersuummi nassuiaasiortoqartassalluni, tassani immikkut inuit

pisinanatitaaffiit aamma nunap inoqqaavisa pisinnaatitaaffiit tunngatillugu.
Naalakkersuisut suleriaasiat nutaaq ulloq 1. januar 2025 atuutilissaaq.

Ataqqinartorsuaq Dronning Margrethe ulluni inuissiornerani pilluaqqungaarparput.

Inatsisartunut ilaasortaq Karl Tobiassen ullumi 60-inik ukioqalerluni inuissiorportaaq,
maanggaanniillu aamma pilluaqqarput.

Taasisarnerit pillugit uku akornanni isumaqatigiissuteqartoqarpoq:

Jens Kristian Therkelsen, Siumut aamma Hans Enoksen, Naleraq

Nivi Olsen, Demokraatit aamma Hans Aronsen, Inuit Ataqatigiit

Mariane Paviassen, Inuit Ataqatigiit aamma Aqqalu Jerimiassen, Atassut

UPA 2024/2

J. nr. 01.25.01/24UPA-LABU-00002